

斑马有新job, 为原创打call



耳朵盛宴take action

致力于推动大湾区潮流文化发展嘅Color, 储值埋埋一大班能歌善舞嘅艺人friend, 得闲都中意同佢哋玩下估歌仔、一起唱下K咁。但哋之中唔少人除咗样声靓之外, 连创作能力都好掂佢, 推出过深受大家欢迎嘅原创作品。近几年嚟, 华语流行音乐影响力越来越大, 我哋set定“我为原创打call, busking PK赛”, 就係希望发掘到更多音乐人才, 用原创音乐在舞台上唱响更多正能量。为咗吸引更多年轻人嚟报名, 可乐君特意约埋自己嘅歌手朋友, 为呢个得意又好玩嘅耳朵盛宴打call, 用佢哋青春与满满朝气, 通过原创音乐联动潮流, 让更多人了解华语音乐、欣赏原创作品。

可乐生活融媒体直播间营业以来, 已经搞过好多节目啦, 打工仔变身、大明星专访、老友记玩游戏等, 最近斑马又多咗个新job——全新栏目“我为原创打call, busking PK赛”上线, 首位参与者就係我哋嘅老友记Andy苏志尹。

郭玮/文 秦丽莹/图




宝岛歌手有绝活

最近《声生不息·宝岛季》热播, 经典又好听嘅宝岛音乐, 勾起一波又一波嘅“回忆杀”。Andy就嚟来自宝岛嘅原创歌手, 可乐君第一时间安排佢上嚟倾音乐、玩音乐。作为一个土生土长嘅台湾人, Andy觉得嘅度嘅音乐好温馨, 有一种家嘅感觉。但特别拣咗一首《鱼仔》嚟代表自己心目中宝岛音乐嘅定位, 普通话同闽南语交错嘅歌词, 令佢谄起自己自细嘅屋企, 同家人就係咁样两种语言随意切换交流嘅, 歌词中嘅“游来游去”, 正正就係佢背井离乡到外地追梦嘅特写。经典歌曲代表方面, Andy就拣咗《月亮代表我的心》, 呢首歌被好多人翻唱成好多唔同嘅版本, Andy自己十八、十九岁情窦初开嘅时候, 就自己改编咗呢只作品, 嚟开头加入咗rap嘅元素, 藏着年轻人惜懂好奇嘅小心思, 后半部分嘅演绎, 就係充满佢个人特色嘅R&B唱腔, 同原版嘅甜美风格比较, 又係另一种新鲜感。

浪漫原创有段古

Andy一首《失重的眼泪》, 喺《中国好声音2021》上, 惊艳咗现场嘅嘉宾同观众。今次佢嚟到斑马, Andy第一次讲起呢首原创作品背后嘅故事。原来佢偶然嘅机会, Andy突然知道自己嘅初恋, 马上就要结婚了, 比起伤感, 佢感受到更多嘅空虚感, 自己一个人静静咁, 想喊又喊唔出, 所以就创作咗呢首好有“失重感”嘅歌。每次唱起身嘅时候, Andy心里面都会酸酸地, 唔係撕心裂肺嘅伤心, 而是漂浮喺宇宙空间里面的孤独感觉。最近, Andy推出咗新单曲《浅梦西域》, 除咗延续佢一贯嘅R&B风格之外, 仲有浓郁嘅异域风情, 係一种新鲜奇妙嘅感觉。大家仲希望我哋“斑马”“新栏目”中, 听到边个嘅歌声, 见到边位的靚样咧? 可以嚟“Color 斑马”微信公众留言俾我哋嚟!



发生咩事?

旧年年底, Dear Jane 推出全新派台作品《到底发生过什么事》, 用留白的问句, 向久违的歌迷送上问候。其实, 每个人对“大事”的定义各有不同, 而一句看似无心的“到底发生过什么事”, 偏偏就引发了大家的共鸣。有人感情失意、有人事业受挫, 当然亦有人春风得意, 一句问候可以係安慰、可以係祝福、亦可以是祝贺。Dear Jane 一如既往地用音乐作品治愈人心。今年年初, 佢哋继续出发, 推出咗新歌《怀旧金曲之夜》, 歌词中唱到“怀旧既是我优点, 怀旧也是我缺点”, 优点, 因为念旧就会不忘初心; 缺点, 太过念旧可能会令自己止步不前。而喺Dear Jane 嘅“怀旧”概念里面, 更多的係对青春嘅不舍与回忆, 但嘅作品中嘅怀旧, 仿佛限定只有一夜, 而在这个夜晚, 就係自己回到青春美好嘅时间。怀旧一番, 青春一晚, 今晚之后, 就能更好地展望全新的一天。

很久不见, Dear Jane



搞大件事!

缘分总是妙不可言。Dear Jane 成团20年, 咁唔同可乐观报“同岁”! Dear Jane 帮人写歌, 又做过音乐节目主持, 现在成为香港乐坛炙手可热的摇滚明星, 佢哋用实力证明, 香港摇滚乐队在乐坛都可以有一席之地。成长嘅一路上, 佢哋同众多歌手艺人都成咗friend, 容祖儿、周柏豪、薛凯琪都做过Dear Jane 演唱会嘅嘉宾。2023年, 佢哋将带住对大家的想念, 用全新的面貌、全新的歌单、全新的编曲以及全新的场馆, 送给大家全新的舞台。今次演唱会上, Dear Jane 又会俾咩惊喜我哋咧? 大家又可以期待一下了。



认真搞事!

Dear Jane 嘅舞台充满感染力, 永远都带到惊喜俾我哋。前段时间, Dear Jane 助阵八三天演唱会, 粤语mix普通话嘅特别版《到底发生过什么事》浪漫到令几多人现场落泪; 2019年, 首登红馆嘅佢哋请容祖儿作为演唱会嘉宾, 合唱《心之科学》震撼现场; 2018年, 佢哋以嘉宾身份助阵周柏豪巡演嘅内地舞台, 《到此为止》又成为了合唱名场面。无论係做人哋show嘅嘉宾, 定係邀请嘉宾嚟自己嘅show, Dear Jane 都好用心, 令到对唱亦变成可一不可再的经典。

睽违3年, 摇滚组合Dear Jane 将携“很久不见”巡回音乐会强势回归, 与很久不见的歌迷重聚。自2003年成团以来, 佢哋从当初只有3个观众捧场, 至今已是在香港红馆开show会全场爆满的乐队, 今次, Dear Jane 再次用自身的魅力, 为乐迷送上最真诚的舞台。

郭玮/文 受访者提供/图

